

## **Symma Juris Canonici**

Comprehensa Tribus Partibus In Qva Distincte Et Succincte Explicantur,  
quæ ad personas, negotia, & iudicia Ecclesiastica ex Canonum præscripto,  
pertinent

Agens De Rebvs Ecclesiæ Sacris, & profanis, earumque usu, acquisitione,  
conservatione, & alienatione

**Strein, Johann**

**Coloniæ Agrippinæ, 1658**

§. 2. De privilegiis illarum.

---

[urn:nbn:de:hbz:466:1-61834](#)

Nam si monasterii gubernatio, ut in S. Brigitæ Ordine fit, committi mulieribus potest, multò magis nosocomiorum. Ita Abb. citatus à Silvestro, qui addit, si annexum monasterio hospitale sit utrumque feminæ subiici posse. 3. conversos, qui literati & clerici sunt, quia tenentur ad officium divinum, ut alii monachi, quos non convenit curam Xenodochij temporalem habere. At de spirituali cura, quæ in prædicatione Verbi divisi, & Sacramentorum administratione consistit, dubium non est, quin regulatibus benè committantur. Aliás hæc cura de communi iure pertinet ad ecclesiam matrem, intra cuius limites existit, quamvis præscribere possit, ut proprium Sacerdotem ac curatorem habeant. V. Moscon. l. i. de Societatib. Par. 4. c. 6. Em Sa. V. Xenodochium.

## §. II.

## De privilegiis Domorum Religiosarum.

**D**E immunitatis privilegio, quæ locali, quæ reali, quod religiose domus, monasteria, & hospitalia participiant, diximus in tt. 14. §. 1. & 2. sed quia latius patet exemptionis beneficium, & particularia quædam hospitalibus, & Xenodochiis convenient, expedire videtur, non omitti.

Primum igitur privilegium consistit in exemptione à magistratu, & iurisdictione sæculari. c. Ecclesia. de restit. in integr. in 6. c. ad hoc de relig. dom. Clem. Quia continet eod. & c. Cùm sit generale. de fo. comp. ubi lædentes domum religiosam sacrilegi vocantur: quod non applicandum illis,

qui res, & bona personarum ecclesiasticarum iniuria afficiunt, quamvis ea bona iurisdictioni ecclesiastice subsint. c. Si clericus. de fo. compet. Conc. Triden. Sess. 22. c. 8. Sess. 25. eod.

**S**ecundum. Domus hospitalis privatae hominis arbitrio, & liberalitate, absque approbatione, & auctoritate episcopi extructa, non subest illius directioni, aut dispositioni, quoad temporalia, sed illius, quem auctorem habet, cuius potestati relinquitur, per se, vel per alios illam administrare; mortuo tamen illo episcopus curabit, ut pia voluntas defuncti executioni mandetur. Silv. nu. 2. Vallens. l. 3. n. 36. §. 2. n. 3. Graff. Par. 2. l. 2. c. 28. n. 49. In dubio, an Epilcoli auctoritate extructa domus sit, affirmativa sententia prævalere debet. Feder. & Lapus à Silv. citati q. 2.

**T**ertiū. Præscribere potest omnia pia legata, illius loci civitatis, vel oppidi, in quo situm est, ita ut ab eis alii omnes excludantur: nec si Ioanni Andreæ creditus statutum valer, ut eiusmodi legata alteri hospitali vel pio loco cedant. Colligitur ex. c. Quia contingit b. t. in Clement. ubi indicatur præscribere posse pauperum sepulturam, & habere presbyterum, qui Sacra menta ministret. Similiter decimas præscribere potest. secundum Lapum, ex quo est locus religiosus, episcopi auctoritate fundatus. Silv. num. 19. Nec imperantur illi extraordinarie in casu necessitatis. Tholos l. 2. Syntag. c. 20. num. 12.

**Q**uartum. Peculiare illud est, quod hospitale præ aliis domibus religiosis in Commendam dari non possit, nisi ad quatuor menses, idque ab ipso Pontifice, & cum clausula. Ut omnes fructus in usum pauperum

pauperum convertantur. Sic Cardinali de Pisis postulanti, ut hospitale Placentinum hbi ad sex menses tantum commendatur, Congregatio Cardin. censuit dan- dum & custodiendum per quatuor menses per Breve cum onere tamen, ut postea de viro idoneo provideretur, & interim nullus ipse fructus perciperet, sed in usus pauperum converteret. Con. Tr. S. 25 c. 8. Declar. n. 1.

*Quintum.* Quamvis episcopo liceat hospitalia, & Xenodochia visitare, quemadmodum §. præced. num. 6. diximus, nullam ratione illi eam ob rem debent prociationem, seu præstationem tempore necessariorum in ipsa visitatione, forte quia magis est charitati & statui convenientis, ut pauperum habitationi per elemosynam subvenias, quam eorum annona vivat. *Navar.* Consil. 3. de relig. dom. l. 3. Silv. n. 16. *Lorichius* §. 7.

*Sextum.* Administratio & gubernatio hospitalium & similium locorum jure communii ab Episcopo gubernantur: qui tamen uni & eidem personæ ultra triennium committere non potest, iuxta decreum Conc. Trid. Seff. cit. de quo V. Nic. Garciam de benef. par. 1. c. 3. A. 11. l. 3. c. 3. q. 3. *Vallens.* l. 3. it. 36. §. 2 nu. 5. & seq. V. §. 1. n. 6. Dixi jure communii ad episcopum spectare curam, ac gubernationem, ut intelligentas consuetudine, pacto, vel statuto alter fieri posse, quemadmodum bene notat. *Lap. in Tract. de hospital.* n. 15.

*Septimum.* Hospitalia non comprehenduntur sub regulis reservatoriis. Clem. Per literas. De præbend. Feder. de Senis consil. 280. Cardin. inc. 2. De præbend. Simonet in Tract. de reservis. c. 7. Hospitalia causa sunt speciebus, et privata-

giata, adeò, ut impositio decimatum a Papa ad illa non extendatur. *Glo.* 1. in Clem. 2. De decimis. Item privilegium, vel statutum de percipiendis fructibus primi anni ecclesiæ vacantium non comprehendit frater hospitalium. *Anchar.* in repet. cap. si propter. de reser. in 6. *Felinus* in c. de quarta nu. 18. de prescript. V. Franc. Leo. in thesauro Par. 2. c. 18. n. 81. & seq.

*Ottavum.* Bona hospitalium non eadem cum ecclesiasticis legi tenetur, ut alienari non possint, sed prout ratio, & necessitas postulat, pro usu pauperum immobilia commutare licet mobilibus, vel in pecuniam convertere. Ratio diversitatis est, quia bona ecclesiastica ab initio donantur, & acquiruntur ecclesiæ pro operibus episcopalibus ac papalibus, in necessitatem & utilitatem eorum, qui sacris munitionibus funguntur. Vnde ex alienatione illorum sequitur confusio & perturbatio ordinis ecclesiastici: Atque hospitalibus relinquentur, in alimenta pauperum convertenda sunt, & dominium illorum ab illis, qui præsumunt, & administrant, minime acquiritur. Nec difficile est videre, multo satius esse frumentum, aut pecuniâ habere, quam multas & amplas domos, ut meritò cù ha legata fœcint, venditione trahantur. Nonnulli etiam teste *Silv.* n. 18. exhortant valere consuetudinem, ut omnia bona etiam immobilia hospitalibus recte vindantur, nec requiri solenitatem in iure prescriptam pro alienatione bonorum ecclesiasticorum. Nam posita pauperum necessitate cui necessarium subveniendum, contentur ea bona servari non posse. Episcopi tamen requiri audierunt  
§. 1. 18.

§. II. DE PRIVILEGIIS DOMOR. RELIG.

352 & consensum expedit: cuius rei exemplū Lapus allegat in Rectorate hospitalis S. Mariæ Florentiæ, qui de triennio in triennium petit ab episcopo licentiam vendendi bona omnia sibi obvenientia: quæ licentia tam generalis, & vaga in ecclesiasticis bonis non sufficeret. Videtur etiam excienda primaria Xenodochii dos, super qua fundatum est, ne in generali concessione vendendi & alienandi comprehendatur. Petrus de bella pertis. Lapus de Castell. Silvest. lo cit.

Nonum. Hospitalarii, quamvis eleemosynarum, & proventuum sacerorum alimento vivant, per se non sunt ad officium divinum, & horas Canonicas obligati, nisi clericatus titulo, vel aliunde sit præcepsum aliquod, sed satisfaciunt ea præstanto, quæ uniuscuiusque loci statuta, & mores requirunt. Moscon. de maiest. eccles. l. i. de Societatib. c. 6.

Decimum. Quæ domus, & loca piorum hominum voluntate, & episcopi auctoritate semel in usum pauperum, infirmorum, peregrinorum, vel quocunque

modo indigentium dedicata fuerint; ad profanos usus denuò traducere non licet. c. Nulli licet 12. & c. mancipia de rer. permittit c. Vestimenta de consecr. Dist. 1. § 19. q. 3. c. Quæ semel. & ff. de relig. & sumpt. fun. l. si quis sepulcrum. Azor 11. l. 9. c. 3. q. 11 & l. 3. c. 3. q. 2. Lancelot l. 2. tt. 22. Fill. Tract. 24. c. 9. n. 239.

Dixi. Domos ab episcopo semel dedicatas in profanum usum converti non possunt. Reliquæ enim, quibus ea consecratae deest, quamvis eadem intentione constructæ sint, ut non nisi in pios usus deleviant, neque hoc, neque aliis privilegiis gaudent, & alias ad usus pro rationabili arbitrio applicati possunt, quemadmodum annotavit. Abbas in c. ad hac. nn. 4. de relig. domib. ex Auth. de eccles. titulu 1. si quis adificationem. Limita, nisi eiusmodi domus, & loca Ecclesiæ donata & incorporata sint. Tunc enim iuxta communem de bonorum ecclesiasticorum alienatione normam de illis iudicandum. V. Tholos. l. 25. Synt. c. 8. & quæ Tit. ult. distinximus.

## TITULUS XVII.

### *De alienatione rerum ecclesiasticarum.*

**Q**uod non nemo dixit, Non minor  
est Virtus, quam querere, parta  
tueri, hoc non modica bonorum  
suo, um lactura, & damno Ecclesia exper-  
ta est, quando præpositi & administrato-  
res sua magis, quam quæ Iesu Christi sunt,  
querentes ea, quæ piorum hominum li-  
beralitas contulit, vel protulit donationi-

bus, vel noxiis contractibus alienantur.  
Quæres cum Imperatorum, tum præci-  
puè summorum Pontificum curam acut,  
ut omnem bonorum ecclesiasticorum  
alienationem, nisi præscripta solennitate  
factam severis legibus condemnarent, ut  
ex dicendis patebit. Mol. D. 464. Si  
igitur.

§. 1. Aler